

# Ngā Tikanga Aromatawai Paerewa Paetae

---

## On this page

[91777: Te whakarongo ki ngā tohunga reo](#) ▼

[91779: Te Pānui i te tuhinga tawhito](#) ▼

[91780: Te tuhi kōrero whakaae rānei, whakahē rānei](#) ▼

## Kaupae 2 Te Reo Rangatira 2018

## Ngā Tikanga Aromatawai Paerewa Paetae [91777](#) [91779](#) [91780](#)

Wāhanga A: He kōrero whakataki

---

Wāhanga E: Pū rongō mo ngā Paerewa Paetae

**91777: Te whakarongo ki ngā tohunga reo**

---

Ko ngā ākonga i whakawhiwhia ki te **Paetae**:

- e rere ana te reo Māori
- he whakautu hāngai, he paku noa te whakawhānui ake
- ka whakamārama i ētahi tikanga hei wānanga
- i mārama ki tā rātou i rongo ai me te hāngai o te whakautu.

Ko ngā ākonga i whakawhiwhia ki te **Kāore i whiwhi:**

- he pāpaku rawa te reo me te whakāro
- he whakautu i tuhia engari kāore i hāngai, he wāhanga noa iho rānei i whakautua.
- kāore i mārama ki tā rātou i rongo ai
- kāore rānei i mārama ki te wairua o te pātai.
- kāore i whakaō atu ki tā te kaikōrero i whakapuaki.

Ko ngā ākonga i whakawhiwhia ki te **Kaiaka:**

- he kaha ia ki te whakaraupapa whakāro me te whakataunaki i aua whakāro
- māraakerake ana te kitea te tikanga o te kaupapa i whiriwhiria
- kua kaha te mirimiri i ngā āhuatanga tuhituhi pēnei i te kupu whakataki, he whakaraupapa whakāro, he kupu whakatepe.

Ko ngā ākonga i whakawhiwhia ki te **Kairangi:**

- e rere ana te reo Māori me te whakāro Māori
- ka whānui, ka hāhonu ake te whakamārama o ētahi tikanga hei wānanga
- i mārama kehokeho ki tā rātou i rongo ai me te hāngai pū o te whakautu
- he kaha tiki atu i ētahi taunakitanga e kaha kitea ai te mārama o tana whakautu
- ka whakamārama i ngā tikanga peha i roto i ngā kōrero a te tohunga reo
- ka nanakia te whakaō atu ki tā te kaikōrero e whakapuaki ana.

Kupu āpiti

Ngā tikanga peha i tukua iho mai hei wherawheratanga mā tēnei reanga, kāore i kō atu. He ao inamata e kuhuna ana e onamata.

---

---

## 91779: Te Pānui i te tuhinga tawhito

---

Ko ngā ākonga i whakawhiwhia ki te **Paetae**:

- e rere ana te reo
- i whai kia kounga ngā whakāro
- i whakaō atu ki ngā whakāro a te kaituhi
- he nukanuka hora reo i whakamahia i ētahi wā
- i mārama ki tā rātou i pānui ai.

Ko ngā ākonga i whakawhiwhia ki te **Kāore i whiwhi**:

- he whakautu pitomata i reira, ēngari kīhai i tatū
- he whāiti te reo, he whāiti ngā whakāro
- ka whai ki te whakautu i te pātai hāngai ēngari, auare ake
- kāore i mārama ki tā rātou i pānui ai.

Ko ngā ākonga i whakawhiwhia ki te **Kaiaka**:

- e Māori ana te rere o te reo
- i motuhake, i Māori, i kounga ngā whakāro
- i nanakia te taunaki i ngā whakāro me te tiki atu i ngā wheako huhua noa
- rere ana ngā nuka hora reo
- i mārama kehokeho ki tā rātou i pānui ai
- kapi katoa atu ngā hiahia o te pātai ki tā te horopaki o te tuhinga  
Nanakia ana te whakaō atu ki tā te kaituhi e whakapuaki ana.

Ko ngā ākonga i whakawhiwhia ki te **Kairangi**:

- e Māori ana te rere o te reo

- i motuhake, i Māori, i kounga ngā whakāro
- i nanakia te taunaki i ngā whakāro me te tiki atu i ngā wheako huhua noa
- rere ana ngā nuka hora reo
- i mārama kehokeho ki tā rātou i pānui ai
- kapi katoa atu ngā hiahia o te pātai ki tā te horopaki o te tuhinga  
Nanakia ana te whakaō atu ki tā te kaituhi e whakapuaki ana.

### Kupu āpiti

Ko ngā pūkenga ēnei e hahua mai nei e taea ai e ngā ākonga tēnei ao hurihuri te whakamārama he ahakoa he tuhinga tawhito e totorohia ana. Kei reira ngā kura huna hei wānangananga māna.

---

## 91780: Te tuhi kōrero whakaae rānei, whakahē rānei

---

Ko ngā ākonga i whakawhiwhia ki te **Paetae**:

- e Māori ana te rere o te reo
- i Māori ngā whakāro
- i arohaehae ki tā te wairua o ngā kōrero
- i kitea te whaānui ake o ngā whakāro, heoi inā ngā kōrero ka tāea
- i kitea te whakāe, te whakahē me ētahi taunakitanga
- he nukanuka hora reo i whakamahia i ētahi wā.

Ko ngā ākonga i whakawhiwhia ki te **Kāore i whiwhi**:

- kāore kē ngā tuhinga i te whakāe, i te whakahē rānei, ā, he tuhituhinga noa nei
- he moroititi nō ngā tuhinga, ā, kāore i te hāngai
- kīhai i arohaehae, i whakamārama i ngā kōrero a te kaikōrero rānei, a te kaituhi rānei

- i uaua ki te pānui i a rātou tuhinga kia mārama ai ki te ngako o te kōrero
- he moroiti nō ngā tuhinga
- kīhai ētahi tuhinga i hāngai, kotiti tonu atu.

Ko ngā ākonga i whakawhiwhia ki te **Kaiaka**:

- e Māori ana te rere o te reo
- i motuhake, i Māori, i kounga ngā whakāro
- i āta arohaehae ki tā te wairua o ngā kōrero
- i taunaki i ngā whakāro me te tiki atu i ngā wheako wero i te kaupapa
- i kitea te whakāe, te whakahē me ngā taunakitanga
- rere ana ngā nukanuka hora reo.

Ko ngā ākonga i whakawhiwhia ki te **Kairangi**:

- e Māori ana te rere o te reo
- i motuhake, i Māori, i kounga ngā whakāro
- i nanakia te arohaehae ki tā te wairua o ngā kōrero
- i nanakia te taunaki i ngā whakāro me te tiki atu i ngā wheako tohe i te kaupapa
- i mārama te kitea o te whakāe, o te whakahē me ngā taunakitanga
- rere ana ngā nukanuka hora reo
- he mea tīpako mai i ngā matū o ng kōrero, a, ka mārama kehokeho te whakāro kia hāngai ki te horopaki
- i mārama te kitea o te whakāe, o te whakahē ki ngā tikanga tuhinga roa
- rere pai ana ngā nukanuka hora reo huhua noa.

Kupu āpiti

Mātua rā te whakāro motuhake o te ākonga e taea ai e ia tētahi whakatau mena ae rānei, kāore rānei ia e taea ai te whakāe, te wero rānei i tētahi kaupapa. He pūkenga hoki tēnei me āta romiromi ki ngā rēanga hei oranga mō rātou, mō ō rātou iwi hoki haere ake nei e purutia tonutia ai a mana Māori motuhake

# [Te Reo Rangatira subject page](#)

## Previous years' reports

[2017 \(PDF, 40KB\)](#), [2016 \(PDF, 205KB\)](#)

---

---

Copyright © New Zealand Qualifications Authority